

Selita Brunei



DI-TERBITKAN OLEH JABATAN PENERANGAN KERAJAAN NEGERI BRUNEI
DUA KALI SA-BULAN

T.B.P., K.B.

Tahun 3 No. 9

15hbl. June, 1958

Di-sana sini meraikan

HARI KEPUTERA'AN BAGINDA QUEEN ELIZABETH II TAHUN INI
Bintang Kehormatan M.B.E. untuk S.R.

HARI KEPUTERA'AN Seri Ratu Baginda Queen Elizabeth II tahun ini telah di-raikan dengan sachara besar2an di-Bandar Brunei dan juga di-Kuala Belait berlangsung pada 12hbl. June, 1958. Para penduduk di-Bandar Brunei yang turut mengambil bahagian dalam upacara sambutan ini berbilang lebih dari 2,000 orang termasuk dari segala bangsa dan lapisan musharakat.

Di-Brunei peraya'an telah bertempat di-kawasan berhadapan dengan Pejabat2 Keraja'an, dan salepas itu jamuan minuman telah di-adakan di-rumah Tuan British Resident Yang Berhormat Mr J.O. Gilbert.

Dalam istiadat ini, Tuan British Resident telah mengumumkan bahawa dengan persetujuan Yang Maha Mulia Baginda Queen dan dengan amat sukachita Baginda mengenugerahkan pingat2 kehormatan M.B.E. (Member of the British Empire) kapada Yang Mulia Inche' Taib bin Awang Besar yang sekarang berkhidmat kapada Keraja'an Brunei di-Pejabat British Resident sebagai Secretary kepada Resident (S.R.).

Inche' Taib sekarang berumur 42 tahun, telah mulai berkhidmat dengan Keraja'an Brunei sebagai sa-orang Kerani di-Pejabat British Resident pada tahun 1934. Pada 1hbl. January, 1935 beliau telah di-tukar ke Pejabat Kerjaraya juga sebagai sa-orang Kerani.

Dengan persetujuan Sultan dalam Council, Tuan British Resident dengan suka-chita-nya melantek Yang Mulia Inche' Taib bin Awg Besar menjadi Magistrate (hakim) Kelas I mulai dari 3hbl June, 1958.

Mulai dari tarikh itu juga Mr D.L. B ruen tidak lagi menjadi Assistant Resident Brunei.

Mr Patrick G. McAfee, Brunei Administrative Officer telah di-tugaskan membuat kerja2 khas di-Office British Resident, Brunei, mulai dari 31hbl. May, 1958.

British Resident juga telah melantek Mr G.H. Gettens LL.B. (Sydney) menjadi Pendaftar Sharikat2 Perniaga'an Brunei.

OLAHRAGA ANTARA KETIGA2 DAERAH DI-BORNEO BRITISH TAHUN INI
BERTEMPAT DI-BANDAR BRUNEI.

Perjumpaan olahraga antara ketiga2 Daerah di-Borneo British: Brunei, Borneo Utara dan Sarawak akan segera berlangsung pada hari2 Juma'at dan Sabtu 20 dan 21 hbl. June yang akan datang ini bertempat di-Padang Pekan Brunei. Upachara ini akan dibuka dengan resmi-nya oleh Tuan Yang Terutama Pesuruh Jaya Tinggi bagi Negeri Brunei yang juga menjadi Gobernor Negeri Sarawak, Sir Anthony Foster Abell.

Antara tetamu agong di-upachara tersebut akan ikut serta Duli Yang Maha Mulia Maulana Sultan, Tuan Yang Terutama Gobernor Borneo Utara Sir Roland Turnbull dan Yang Berhormat Tuan British Resident J.O. Gilbert dan lain-nya.

Upachara sukan akan dimulakan pada pukul 3.00 petang pada Hari Juma'at dan pukul 2.30 petang pada Hari Sabtu.

DI-PINJARA KERANA MELAKUKAN JIMA'

Sa-orang teruna yang berumur 22 tahun telah didapati salah kerana melakukan jina' ka-atas sa-orang isteriyang berumur 15 tahun. Perbuatan chemar ini telah dilakukan oleh kedua-nya ini pada jam 1.40 pagi 23hbl May yang lalu. Demikian telah dibicarakan di-Lahkamah Senior Kadzi di-Kuala Belait.

Teruna itu bernama Bujang bin Ismail telah di-jatohkan hukuman penjara selama satu bulan dengan kerja berat manakala Tawayah bt. Libut (isteri kepada Hussain bin Ludin) telah di-jatohkan hukuman penjara selama 2 minggu berkerja ringan.

PERTANDINGAN MEMBACHA Q O R A N
sambutan Bulan Moharram

Bagi menyambut Tahun Baharu Hijerah (Tahun Isiam), 13378 kali ini akan di-adakan seperti biasa pertandingan membacha Al-Qoran anjoran Persatuan Kesatuan Islam, Brunei.


Sultan Mohammad Jamal al-Alam, Pekan Brunei tidak lewat dari 5hbl. July, 1958. Hantar-lah nama yang terang.

Pertandingan ini akan di-adakan di-Mesjid Besar Pekan Brunei pada 19hbl. July, 1958 bersama'an dengan 2hbl. Moharram, 1338; dan ini terbuka kepada orang2 dewasa dan budak2 sekolah.

Pertandingan bagi orang2 dewasa akan dibahagi kepada dua bahagian ia-itu bahagian "A" dan "B".

Yang berjaya mendapat tempat yang pertama dan kedua dalam bahagian "B" akan dapat masuk bertanding ka-dalam bahagian "A", dan saterusnya yang berjaya dari bahagian ini akan memasuki pertandingan seluruh Negeri Brunei, yang akan dilangsung pada 27hbl. July, 1958, juga bertempat di-Mesjid Besar Pekan Brunei.

Orang ramai yang ingin menchalonkan diri dalam pertandingan ini ada-lah dengan ini dipinta menghantar-nama-nya terus kepada Setia Usaha Pertandingan Membacha Quran dengan memakai alamat ka-Sekolah Melayu



- dari muka pertama -

Inche' Taib kemudian dari itu telah di-tukar lagi ka-Pejabat Kehutanan di-Kuala Belait pada 1hbl. May, 1935. Pada 1hbl. June, 1940 beliau telah di-lantek menjadi Penolong Pemungut Hasil2 Tanah di-Brunei dan kemudian-nya telah di-lantek pula menjadi Pegawai Daerah Kuala Belait pada 1hbl. May, 1941.

Samenjak 16hbl. November, 1946, Inche' Taib telah di-lantek menjadi Setia Usaha kapada British Resident Brunei hingga ka-masa ini.

Di-kedua2 Daerah yang menyambut dan merayakan hari yang termaklum ini telah mengambil bahagian Pasukan2 Police, Pengakap2 lelaki dan perempuan, Anggota2 dari Jabatan Custom dan Marine, budak2 sekolah dari Sekolah2 Melayu, English dan China, Pasukan Palang Merah dan pembesar2 Brunei berserta orang2 ramai yang terdiri dari segala Bangsa dan Ugama.

DIRECTOR COLOMBO PLAN BUREAU DI-BRUNEI

Tuan Director bagi Colombo Plan Bureau Mr R.H. Wade telah tiba di-Brunei dengan kapal terbang pada 10 hbl. June yang lalu ini dari Jesselton.

Tiba sahaja beliau di-Brunei, beliau telah berunding2 dengan Ketua2 Pejabat Keraja'an Brunei mengenai hal yang bersangkutan dengan Colombo Plan bagaimana ia-nya boleh memberi pertolongan kapada Keraja'an Brunei. Perundingan ini telah ber-tempat di-Pejabat Commissioner bagi Perkembangan Negeri.

Mr Wade telah bertolak ka-Kenawit, Sarawak pada ke'esokan hari-nya.

UNDANG2 IMMIGRATION PESTI BERJALAN -

Undang2 Immigration sabagaiman yang telah di-cirarkan melalui radio dan akhbar2 tempatan tetap akan berjalan kuat-kuasa-nya mulai 1hbl. July, 1958 ini. Demikian penetapan dari Duli Yang Maha Mulia Sultan dalam Council.

* Orang2 yang belum *
* menjelaskan pema- *
* yaran peti2 radio *
* yang di-beli-nya *
* dari Jabatan Pe- *
* nerangan Keraja- *
* 'an Brunei ada-lah *
* dengan ini di-minta *
* menjelaskan-nya, *
* baik bayaran pada *
* bulan2 yang sudah *
* mau pun pada tiap2 *
* bulan sahingga je- *
* las habis pembayar- *
* an-nya, tepat pada *
* tiap2 hujong bulan.

Peraduan membacha Quran antara sambutan2 Bulan M'oharram tahun ini akan segera di-langsungkan pada 19hbl. July tahun ini bertempat di-Mesjid Besar Pekan Brunei. Berita lanjutnya di-muka lain.

CHIEF SECRETARY SARAWAK MENINGGAL DUNIA DI-LAWAS -

Dengan sedeh di-beretakan bahawa Tuan Chief Secretary bagi Gobernor Negeri Sarawak, Mr J.C.H. Barcroft C.M.G., O.S.S. telah meninggal dunia di-Lawas bahagian yang ke-V, Sarawak pada 6hb. June, 1958, akibat serangan penyakit jantong.

Tuan Barcroft telah mengadakan satu lawatan-nya yang resmi ka-Lawas, dan telah meninggal dunia di-rumah Pegawai Daerah di-sana, walau pun usaha mengubati-nya telah di-jalankan oleh juru/rawat dan doktor yang telah di-terbangkan ka-Lawas dengan helikopter BSP Co. Seria; dan semakin pula penyakit itu bertambah berat

Mayat beliau telah di-terbangkan ka-Kuching pada ke-esokan hari-nya melalui Brunei dari mana mayat itu terus di-terbangkan dengan kapal terbang kepunya'an Sha rikat Brunei Shell Petroleum, dengan di-iringkan oleh Mem Tuan Gilbert (isteri British Resident Brunei) newakili British Resident dan juga Mr Widdap newakili BSP Co., Seria. Resident Limbang Mr Jack juga ikut bersama2 dalam ka-pal terbang itu.

Istiadat mengebumikan-nya telah di-langsangkan di-Gereja St Thomas, Kuching pada 7hbl. June, 1958.

Tuan Barcroft baharu sahaja menjawat jawatan sebagai Chief Secretary sa-bulan yang lalu menggantikan Tuan J.H. Ellis yang terlah bersara. Dalam tahun 1950 Tuan Barcroft telah menjadi Bri-tish Resident Brunei dan telah di-lantek menjadi Senior Resident dalam tahun 1952. Dalam masa per-khidmatan beliau di-Brunei, beliau telah di-kasehi oleh segala la-pisan rakyat Brunei.

Tuan Barcroft yang telah berusia 49 tahun telah berkhidmat dengan Keraja'an salama 28 tahun. Beliau telah menjadi Ahli Mashua-rat Negeri Sarawak salama 12 ta-hun dan menjadi Ahli Supreme Council salama 4 tahun. Beliau baharu sahaja di-kurniai bintang kehormatan C.M.G. pada tahun lalu di-hari sambutan keputera'an

D.P.P. MENYAMPAIKAN PERISAI HARI INTI

Yang Teramat Mulia Seri Paduka Duli Pe-ngeran Pemancha hari ini akan berangkat ka-Sengkurong kerana menyampaikan perisai kebun yang terbaik sekali di-antara sek-olah2 di-Brunei, ist-iadat-nya akan di-langsangkan dalam pe-nutupan Tamasha Hari Ibu Bapa Sekolah Me-layu Sengkurong.

Yang Teramat Mu lia itu akan tiba di-sekolah tersebut pada pukul 5.00 petang ini dan akan menyampaikan hadiah tersebut kapada Sekolah Melayu Sengku-rong, sekolah yang terbaik sakali dalam bahagian kebun dalam Brunei tahun ini.

Hadiah itu ia-lah berupa sa-biji Pe-risai di-edarkan pada tiap2 tahun.

Baginda Ratu Elizabeth II di-Kuching.

Uchapan2 takziah te-la-h di-kawatkan ka-kuching dari Keraja'an Brunei dan dari Duli Yang Maha Mulia Sultan dan Raja Isteri me-nuju Private Secretary, Gobernor Sarawak.

Baginda2 dan Keraja'an Brunei berasa penoh dukachita atas kematian yang mengejut yang menim-pa atas diri Tuan Barcroft itu. Uchapan2 takziah dari luar negeri juga di-terima.

P.W.D. WORKSHOP SPORTS CLUB BANDAR BRUNEI MENGALAHKAN KUALA
BELAIT RECREATION CLUB

Pasukan bola sepak keselaskan P.W.D. Workshop Sports Club Bandar Brunei dalam satu perlawanan bola sepak dengan pasukan keselaskan Kuala Belait Recreation Club yang telah berlangsung baharu2 ini bertempat di-Padang Besar Kuala Belait telah dapat menewaskan pasukan keselaskan Belait dengan tiga gol berbalas dua. Perlawanan ini di-adakan ia-lah atas anjoran penduduk2 di-Kuala Belait salah satu achara sambutan bagi Hari Keputera'an Baginda Yang Maha Mulia Queen Elizabeth II di-Kuala Belait.

Sabelum penain2 dari kedua2 pasukan itu mulakan perlawanan termaklum mereka terlebih dahulu di-perkenalkan kapada Yang Mulia Tuan Pengawai Daerah Kuala Belait Pengiran Abu Bakar bin Pengiran Omar Ali. Satelah Pengiran Abu Bakar mulakan tandangan pertama bagi pembuka'an achara itu maka perlawanan sahurunya pun di-mulakan. Perlawanan ini telah di-adilkan oleh Mr Fisher.

Sapanjang perlawanan ini berjalan ramai yang telah menyaksikan-nya yang terdiri dari segala lapisan penduduk2 di-daerah itu.

Penjaringan2 yang membawakan Brunei dapat menewaskan Belait telah dilakukan oleh Sabtu bin Said, Abu Bakar bin Puteh dan Kassim bin Wahab. Masing2-nya telah menjaringkan satu gol; manakala bagi pehak Belait telah di-jaringkan oleh Pengiran Puteh dan Kassim, juga satu gol sa-orang.

D.P.B. MENYAMPAIKAN
PINGAT2 -

Yang Teramat Mulia Seri Paduka Duli Pengiran Bendahara baharu2 ini telah menyampaikan pingat2 kerana keselamatan memandu kereta2 Keraja'an kepada seramai 21 orang para pekerja di-Jabatan Kerjaraya Bandar Brunei yang telah memandu kereta2 tersebut dengan baik dalam antara 3 tahun hingga 30 tahun. Salain dari menyampaikan pingat2 itu Yang Teramat Mulia itu juga telah menyampaikan hadiah berupa wang bersama2 dengan pingat2 sekali.

Antara yang hadzir dalam upachara menyampaikan hadiah2 dan pingat2 itu ia-lah Tuan Yang Berhormat British Resident Mr J.O. Gilbert. Tatkala beruchap Tuan Yang Berhormat itu antara lain menguchapkan satinggi tahniah kapada yang di-kurniai pingat2 dan hadiah2 tersebut. Salepas beruchap beliau pun menjemput dengan segala hormat-nya Yang Teramat Mulia menyampaikan pingat2 dan hadiah2.

Kapada yang bernasib baik telah menerima pingat2 dan hadiah2 berupa wang itu, pehak Jabatan Kerjaraya menguchapkan satinggi tahniah, khas-nya ditujukan kapada Pengiran Md. Tahir bin Pengiran Sambas dan Hassim bin Japar kedua-nya yang terlama sekali memandu kereta2 Keraja'an dengan tidak mendapat apa2 bahaaya atau pun kemalangan dalam tempoh perkhidmatan mereka selama lebih dua puluh tahun. Pengiran Md. Tahir telah mendapat lisensi memandu kereta sejak tahun 1929, dan Hassim telah mulai berkhidmat dengan Keraja'an sejak tahun 1928.

Salepas perlawanan itu berakhir semua para pemain dan juga yang lainnya dari Brunei bersama2 mereka telah di-raikan dengan mengadakan jambuan minuman di-rumah Persekutuan Kuala Belait Recreation Club.

- Sambongan dari muka 6 -

Mereka yang telah mendapat pingat2 serta wang tersebut adalah saperti berikut:

Yang mendapat pingat perkhidmatan 30 tahun serta wang sabanyak \$200 sa-orang ia-lah Pengeran Id. Tahir bin Pengeran Sanbas dan Hassim bin Japar. Pingat perkhidmatan salama 10 tahun serta wang \$40 sa-orang ia-lah Kula bin Besar dan Hamid bin Chuchu. Pingat perkhidmatan salama 5 tahun dan wang sabanyak \$20 sa-orang ia-lah Abu Bakar bin Puteh, Tuah bin Durahman, Bungsu bin Raup, Mohammad Daud bin Damit, Abdul Rahman bin Ismail dan A. Salleh bin Abdul Rahman. Pingat perkhidmatan salama 3 tahun dan wang sabanyak \$5 sa-orang ia-lah Awg Masri bin Hitam, Chua Soo Thian, Ahmad bin Yassin, Omar bin Tamin, Yussuf bin Kula, Awangku Suhaili bin Pengeran Id. Tahir, Besar bin Jumat, Metusin bin Safar, Han Long Guan, Awangku Damit bin Pengeran Ahmad dan Medani bin Abu Bakar.

Kapada Yussuf bin Ali Akbar, pemandu kereta Keraja'an yang telah berkhidmat salama 30 tahun sbelum ia meninggal dunia di-Singapura awal tahun ini, pehak Jabatan Kerjaraya juga memanjangkan uchapan tahniah-nya dan berikhtiar akan memberikan hadiah yang saperti-nya kapada warith-nya. Jabatan ini akan menghadapkan hal ini kepada yang berkuasa.

Workshop Jabatan Kerjaraya berasa megah atas perkhidmatan2 orang yang mendapat kepujian saperti itu, berkhidmat dengan Keraja'an dengan hati2 dan membawa kereta2 dengan kechermatan. Bagitu-lah saharus-nya patut di-chuntohi oleh yang lain yang juga akan di-beri kepujian kerana jasa baik dan sifat berjaga2 membawa atau memandu kereta2.

Bukan pingat2 atau hadiah2 itu yang lebeh berharga, tetapi kerjabaik dan sifat menyelamatkan dari segala bahaya jalan raya dan sentiasa berchermat dalam memandu kereta kepunya'an Keraja'an yang bernakna satu keuntongan yang amat besar bagi Keraja'an orang yang saperti itu. Walau di-mana2 tempat pun orang yang samachau ini-lah yang amat di-kehendaki terutama dalam hubungan keselamatan jalan raya.

PERADUAN LUKISAN KERANA SAMPUTAN HARI KEPUTERA'AN DULI YANG MAHA MULIA SULTAN TAHUN INI

Antara upachara2 yang akan di-adakan untuk meraikan samputan Hari Keputera'an Duli Yang Maha Mulia Maulana Sultan Brunei yang akan di-langsungkan pada bulan September akan datang iniia-lah peraduan lukisan bagi orang ranai.

Sharat2 nemasoki peraduan ini dan tarikh penerima'an buah tangan yang ingin ikut serta akan di-tetapkan nanti sasudah satu lagi persidangan Jawatan Kuasa Kechil Bahagian Peraduan Lukisan di-adakan.

Ahli2 Jawatan Kuasa ini ia-lah:

Che'gu Pengeran Momin bin Pengeran Othman (Pengurus), Che'gu Hamdani bin Abdul Rahman (Setia Usaha) dan dibantu oleh Che'gu Abdi Manaf bin Abu Bakar dan Che'gu Pengeran Tuah bin Pengeran Chuchu.

Walau pun bagaimana para yang ingin bersedia untuk nemasoki peraduan ini bolehlah berhubung dengan salah satu ahli yang tersebut diatas.

Untuk pengetahuan orang ramai di-bawah ini di-siarkan chabutan peringatan mengenai wang kertas dan perak yang di-keluarkan oleh Pesuruh Jaya Kewangan. Wang ini ia-lah yang dalam peredaran pada lhb1. May, 1958:

Jumlah wang kertas yang dalam peredaran ia-lah sambanyak \$947,406,244.62 .

Jumlah wang perak yang dalam peredaran ia-lah sambanyak \$46,074,533.33 .

PERSIDANGAN KEUCHEGAH MALARIA BERTELATIPAT DI-SIBU - -

Telah di-langsangkan baharu2 ini persidangan antara tiga buah Daerah British: Brunei, Borneo Utara dan Sarawak kerana merundingkan perkara berhubung dengan pengegahan penyakit malaria di-Sibu dan di-Nangga Balleh di-Bahagia Ketiga, Sarawak.

Wakil dari Brunei untuk menghadziri persidangan ini ia-lah Dr M.A. Rozalla.

Telah di-fahamkan bahawa Keraja'an Indonesia juga telah menghantarkan wakil-nya menghadziri ka-persidangan tersebut. Wakil2 dari Indonesia itu berbilang sabanyak 9 orang ikut bersidang bersama2 dengan para wakil2 dari Brunei, Borneo Utara dan Sarawak.

SAMBUTAN HARI2 IBU BAPA SEKOLAH2 MEIAYU SENGKURONG, BERA-KAS DAN BABU-BABU

Sambutan Hari2 Ibu Bapa
Sekolah2 Melayu Sengkurong,
Berakas dan Baru-Baru yang
telah di-mulakan dengan ber-
bagai2 achara sejak Hari Kha-
nis yang lalu akan menamat-
kan achara-nya pada malam ini.

Antara lain achara2 bagi
nenyambut Hari Ibu Bapa di-
sekolah2 tersebut termasuk
pertunjokkan2 dalam sekolah,
malam gembira dan permainan
di-padang dengan berbagai2
perlumba'an.

Berbagai2 achara juga telah di-adakan pada nalan2 gembera, yang antara lain termasuk peraduan2 menbacha Qoran, Bang, menbacha sajak, menyanyi, peraduan lawak jenaka dan persenbahan2 dari budak2 sekolah masing2 seperti tari2an dan lagu2. Segala peraduan2 itu ada juga terbuka kapada ramai atau hanya terbuka kapada orang kampong di-dalam mana sekolah2 terdiri.

Di-Baru2 ada menunjukkan tarian bubu, sebagai satu pertunjukkan istimewa kebangsa'an sendiri.

wa yang berdasarkan kebudaya'an kebangsa'an sendiri.

Ketiga2 sekolah ini Tahasha HIB-nya telah mendapat sambutan baik dari orang ramai. HIB tahun ini ada-lah lebih lagi meriah-nya dari tahun2 yang sudah.